



Synfocity = 903

mail us at : mzsynfo@gmail.com; mizoramsynod@gmail.com - Phone - 2314648

August 24, 2023

❑ **Presbyterian Bible School (PBS), Farewell & Dedication vawi 55-na**

August 23, 2023 (Nilaini) khan Presbyterian Bible School (PBS) chuan Batch 55-na pualin Farewell and Dedication Programme, Pi Zaii Hall, Synod Conference Centre-ah an hmang.

Programme hi Rev. Lalrinsanga, Principal-in a kaihrui a, Rev. C. Zorammawia, Senior Executive Secretary-in zir chhuakte hnenah Certificate hlanin thuchah a sawi a, exam-a ti thate hnenah Upa B. Lalmunliana, Synod Secretary-in lawmman a hlan a, class kal kimte hnenah Rev. Ramngaihawma Khiangte, PBS Zirtirtuin lawmman a hlan a, Pu C. Awithanga Award chu Rev. P.B. Mankima, Synod Secretary (Jr)-in a hlan bawk.

PBS-ah hian a din tirh atangin tun thleng hian zirlai 2627 an awm tawh a, chung zinga 2187 ten tha takin an pass tawh a. Tuna batch 55-naah hian zirlai 38 awmin zirlai 26 ten tha takin an pass a, exam lo 12 an awm.

Exam-a ti tha zual pathumte hnenah lawmman ₹ 1000, ₹ 700, ₹ 500 leh lawmpuina thuziak PBS Committee hminga hlan a ni a, chungte chu:-

- 1-na - Lalhrangchhuani Sailo d/o Ngursavunga (L), Chaltlang Kohhran
- 2-na - Lalmuanawmi d/o F. Lalkhawngaiha, Zawlsei Kohhran
- 3-na - Malsawmzuala s/o Rohlira, Suangpuilawn Kohhran

Batch 55-na zirlai zingah hian class kai kim mi pakhat hnenah lawmman Rs. 500/- hlan a ni.

Kum 2014 atangin Christian Theology Subject leh Kohhran Inrelbawlina leh PCI Constitution Subject-a ti tha berte hnenah Pu C. Awithanga Award hlan thin a ni a. Kumin hian Christian Theology-ah L.H. Shanliana (83%) leh Kohhran Inrelbawlina leh PCI Constitution-ah Lalmuanawmi (95%) ten he Award hi an dawng a ni. Award hian ₹ 1000/- a keng tel a ni.

❑ **Jay Jay Karo**

Synod Mission Board Media Sub-Committee buatsaih, Hindi Pathian fakna hla intihsiakna 'Jay Jay Karo' chu neih chhoh mek zel niin August 29, 2023 (Thawhlehi) zan dar 8:00 hian Top three (Final) intihsiakna, Synfo Studio, Synod Office-ah neih a ni dawn a, Final-ah hian rimawi telin, an duhzawng hla pahnih, an la sak loh hmangin intihsiakna an nei ang.

Top 3 intihsiaknaa tel turte chu:

- | | |
|---------------------------|--------------------------|
| 1. Fabiana Malsawmtluangi | Lungdai |
| 2. C. Lianzela | Durtlang Leitan |
| 3. Sheila Lepcha | Himali Kohhran, Chanmari |

Final zanah hian Rev. Zochhuanmawia, Director, Masihi Sangati Kendra-in hunserh a hmang ang a. Top 5 atangin mi pahnih leh 2022 Praise On-a Pakhatna dawngtu NI. Malsawmdawngzuali te an zai bawk ang.

Intihsiaknaah hian pakhatnain ₹ 70,000 leh Citation, pahnihnain ₹ 40,000 leh Citation, pathumnain ₹ 20,000 leh Citation an dawng ang.

Jay Jay Karo hi NI. P.C Zonuntluangin a host thin a, intihsiakna hi Judge pathum - P.C. Lianhmingthanga, Dr. Jenny Laldingliani leh T. Laldintluanga ten an endik thin a ni.

Final intihsiakna hi Hruaina Eng TV leh Synod Information Youtube-ah a en theih ang.

❑ **Synod Mission Board**

◆ **Jharkhand Mission Field**

August 20, 2023 (Pathianni) khan belhtu thar pariat an awm.

◆ **Arunachal & Assam Mission Field (West)**

August 20, 2023 (Pathianni) khan belhtu thar pahnih an awm.

◆ **Arunachal & Assam Mission Field (East)**

August 20, 2023 (Pathianni) khan belhtu thar 11 an awm.

◆ **Patna Mission Field**

August 20, 2023 (Pathianni) khan belhtu thar pathum an awm.

◆ **Karbi Anglong Mission Field**

August 20, 2023 (Pathianni) khan belhtu thar pahnih an awm.

◆ **Odisha Mission Field**

August 20, 2023 (Pathianni) khan belhtu thar 14 an awm.

◆ **Delhi Mission Field**

August 20, 2023 (Pathianni) khan belhtu thar pali an awm.

◆ **Masihi Sangati**

August 20, 2023 (Pathianni) khan Masihi Sangati rawngbawlnaah hrang hrangah belhtu thar 21 an awm.

◆ **Field Committee**

August 16-26, 2023 chung hian Tripura, Karbi Anglong leh Assam Field-ah te Field Committee-in Rev. R. Lalhmingsanga, Secretary, Mission Board leh committee member-te, Rev. Dr. C. Lalramchhana leh Upa Lalramliana te an kal.

□ **Worship**

August 23-25, 2023 chung hian Suangpuilawnah Solfa leh Music Training neihpuin Pu C. Zirlianthanga, Instructor leh Tv. Vanramnghaka, Keyboardist te an kal.

□ **MSSU**

August 26, 2023 (Inrinni) hian Sunday School Zirtirtu training neihpuin turin trainer-te hetiang hian an chhuak ang:

Khawzawl Vengthar Bial - Upa K. Zoremsanga leh Upa Lalsiammawia Pachuau

Khawzawl Dinthar Bial - Upa K. Vanlalngghaka leh Upa Isak Zarzoliana

□ **Revival**

August 25-27, 2023 chung hian Harhna Inkhawmpui (Revival Meet), vawi 9-na chu Tuikual North Kohhran Biak Inah neih a ni dawn a, inkhawmpui thupui 'I ram lo thleng rawh se' tih a ni.

August 25 (Zirtawpni) zanah inlawmna inkhawm neih a ni ang a, Rev. Dr. C. Chawngghingliana, Synod Moderator-in thuchah a sawi ang. Inrinni leh Pathianniah te vantlang Pathian biak inkhawm a awm ang. Harhna Inkhawmpuia hian Revival Speaker-ten inkhawmpui thupui an sawi ang a, Pathianni zan inkhawmah Rev. C. Zoramawia, Senior Executive Secretary-in thuchah a sawi ang. Inkhawm banah Lengkhawm neih thin a ni bawh ang.

Revival Meet hi 2012 atang khan Covid hripui len lai tih lohah chuan kum tin neih thin a ni a, Revival Speaker leh Counsellor-te intuaitharna hun atan hman thin a ni. Harhna Inkhawmpuia tel tur hian Synod Revival Committee chuan mi zawng zawng an sawm a ni. *(Phek dangah programme kimchang dah a ni)*

□ **Synod Relief Fund**

Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlina pek a ni.

S.No	Khua/Veng	Pek chhan	Chhungkaw zat	Pek zat
1.	West Serzawl	Damlo	2	₹ 20,000/-
2.	Zemabawk East	Damlo	2	₹ 20,000/-
3.	Zemabawk South	Damlo	2	₹ 20,000/-
4.	Zemabawk Field Veng	Damlo	1	₹ 10,000/-
5.	Palsang	Damlo	1	₹ 10,000/-
6.	Chhipphir	Damlo	1	₹ 10,000/-
7.	Ramthar Tlangveng	Damlo	1	₹ 10,000/-
8.	West Lungdar Hmar veng	Khawsak harsa	1	₹ 10,000/-
9.	Phullen	Damlo	1	₹ 10,000/-
10.	Khawpuar	Damlo	1	₹ 10,000/-
11.	Vaitin Vengthar	Damlo	1	₹ 10,000/-
Belh khawm				₹ 1,40,000/-

Tangphai Provisional Synod hnuiaia Pastor Quarters misualin an rawk tanpuina ₹ 50,000/- pek a ni bawh.

- ☐ **Trust**
 August 24-25, 2023 chung hian E. Lungdar leh N. Vanlaiphai Pastor Quarters en felin Pu Lalramenga Royte, J.E. a kal.
- ☐ **FG&CC**
 August 25, 2023 (Zirtawpni) zan hian FG&CC chuan Church Leader Pastoral Care & Counselling Training, wawi 37-na Final Evaluation and Graduation Service programme an hmang dawn.
- ☐ **Zirlai Viltu**
 August 26, 2023 (Inrinni) chawhma dar 11:00 hian Zirlai Viltu Committee buatsaihin Synod Resource Centre-a inziak lut, member tharte pualin hun hman a ni ang.
- ☐ **FM Zoawi - Aizawl & Lunglei : Hruaina Eng Radio Programme**
August 25, 2023 (Zirtawpni) @ 7:30 p.m. :
 Solo : Esther Lalthianghlimi - Hrehawmna piaha malsawmna
 Zaipawl : Electric Veng Bial Zaipawl - Ram thianghlim
 Thusawi : Upa Rochungnunga - Rawngbawlina
 Solo : Hmangaihrammawia - Lo hnai ta che
 Zaipawl : Kahrawt Bial Zaipawl- Chanchin Tha
- ☐ **Su samachar Prasaran Programme :**
August 27, 2023 (Pathianni) 5:30 pm. :
 Group/Choir/Solo : Kawngkharmawii - Yeshu Paya Re
 Group/Choir/Solo : Zotlang Kohhran Masihi Sangati - Shukriya Tera
 Sermon : Rev. P.S. Daniel
 Group/Choir/Solo : Lalduhawma - Mere Gunah
 Group/Choir/Solo : Venghnuai Kohhran - Milkar Hamm
- ☐ **Hruaina Eng TV Programme**
 24.8.2023 (Ningani) 8:30 pm : Thupui zirbing : Kohhran Chanchin - Hun laihawl
 25.8.2023 (Zirtawpni) 5:00 pm : Kristian Naupang Pual
 26.8.2023 (Inrinni) 5:30 pm : Puitling Sunday School Zirlai
 8:30 pm : Rimawi huang
 27.8.2023 (Pathianni) 8:00 am : Weekly round up
 5:30 pm : Su Samachar Prasaran
 28.8.2023 (Thawhtanni) 8:30 pm : Hruaina Eng Luang chhuak
 29.8.2023 (Thawhlehti) 7:30 pm : Nilai Zan thupui zir ho - Synod Revival Committee leh
 Archive Committee
 8:00 pm : Live - Jay Jay Karo (Top three/Final)
- ☐ **Moderator leh Executive Secretary-te Programme:**
Rev. Dr. C. Chawngmingliana : Moderator
 Aug. 25-27, 2023 Harhna Inkhawmpui (Revival Meet), Tuikual North Kohhran Biak In
 Aug. 28-31, 2023 Tripura Field tlawh

Rev. C. Zoramawia : Senior Executive Secretary
 Aug. 25-27, 2023 Harhna Inkhawmpui (Revival Meet), Tuikual North Kohhran Biak In
 Aug. 28-31, 2023 Delhi

Rev. V.L. Luaia Hranleh : Executive Secretary
 Aug. 25, 2023 Counselling Training kharna hmanpui
 Aug. 28, 2023 Income Tax chungchang Sub-Committee

Rev. Dr. K. Lallawmzuala : Executive Secretary
 Aug. 29, 2023 PBS Committee
 Aug. 31, 2023 Dawrpui Kohhran (Zan)
 Sept. 1, 2023 Meeting - BCM nen Kristian Hla bu chungchang
 Sept. 2, 2023 Worship Programme, Kolasib

HARHNA INKHAWMPUI - VAWI 9-NA

(Revival meet)

A hmun : Tuikual North Kohhran Biak In
A hun : 25-27.8.2023 (Fri-Sun).
Thupui : “I ram lo thleng rawh se”. (Mat. 6:10)

Dt.25.8.2023 (Zirtawp) Zan Dar 7:00

Vantlang Pathian Biak Inkhawm (Inlawmna)

Chairman: Rev. H. Lalmuanchhana, C/M

Thusawitu: Rev. Dr. C. Chawngmingliana,
Synod Moderator

Zaipawl : 1. Mizoram Synod Choir
2. Dawrpui Vengthar Kohhran
3. Saron Veng KPP
4. Laipuitlang KPP

Inkhawm ban Lengkhawm

Hruaitu : Lalthlengkima Pachuau, Doulos Revival

Dt.26.8.2023 (Inrinni) Chawhma dar 10:30

Vantlang Pathian Biak Inkhawm

Chairman: Upa C. Malsawmkima, C/M

Thusawitu : T.Upa Johny R. Lalmangaiha,
Nehemia Gospel.

Zaipawl : 1. Chaltlang Pastor Bial
2. Model Veng Kohhran
3. Venghlui KPP
4. Ramhlun Vengthar KPP

Chawhnu dar 1:30

Vantlang Pathian Biak Inkhawm

Chairman : Upa Dr. H. Lallungmuana, C/M

Thusawitu : Upa C. Zosangliana,
Lalpa Chhiahhlawh.

Zaipawl : 1. Chhinga Veng Pastor Bial
2. Durtlang North Kohhran
3. Bawngkawn Shalom KPP
4. Hlimen KPP

Zan Dar 7:00

Vantlang Pathian Biak Inkhawm

Chairman : Upa C. Lalmuankima, C/M

Thusawitu : Lalngaihzuala, Krista Kraws Thlangtu

Zaipawl : 1. Sakawrtuichhun Pastor Bial
2. Damveng Kohhran
3. Ramthar North KPP
4. Chaltlang South KPP

Inkhawm ban Lengkhawm

Hruaitu : Pu. Lalmunsanga, Krista Remna Palai

Dt. 27.8.2023 (Pathianni)

Chawhma dar 10:30

Vantlang Pathian Biak Inkhawm

Chairman : Rev. R. Lalnuntluanga, C/M

Thusawitu : Upa Lalthantluanga, Krista Thuhritu.

Zaipawl : 1. Presbyterian Choir Lunglei
2. Tuithiang Veng Kohhran
3. Aizawl Venglai KPP
4. Champhai Vengthlang North KPP

Chawhnu dar 1:30

Vantlang Pathian Biak Inkhawm

Chairman : Upa Laldinpuia, C/M

Thusawitu : T.Upa Malsawmthara, Dinthar lehna

Zaipawl : 1. Tuikual Pastor Bial
2. Maubawk West Kohhran
3. Khatla North KPP
4. Khuangpuilam KPP, Kolasib

Zan Dar 7:00

Vantlang Pathian Biak Inkhawm

Chairman : Rev. K. Zoramhlua, Bialtu Pastor

Thusawitu : Rev. C. Zoramawia, SES

Zaipawl : 1. Presbyterian Choir Lunglei
2. Tuikual North Kohhran
3. College Veng KPP
4. Serchhip Kawnpui KPP

Inkhawm ban lengkhawm

Hruaitu : Upa H. Lalhlimpua, Prayer Foundation Team

Note:

1. Pathianni chawhma leh Zan Inkhawmah thawhlawm lakkhawm a ni ang a, a thlengtu pual a ni ang.
2. Revival Speaker leh Team member riak lut thei tur te chu thlengtu Kohhran hnenah a hma lama inhriattir tur a ni.
3. Pathian Biak Inkhawm zai hruai leh Lengkhawm zai hruai hna chu Tualchhung Kohhran kutah a awm ang .
4. Inpawl khawm leh Lenkhawmna hmun chu a thlengtu ruahman anga neih a ni ang.